





原件短缺

P1-P6

丁竟侘傺而忘歸睇林崗之蔽薄兮爛盈盈其
幸滋玩芳條之可擷兮又焉得夫同車嗟流光
之飄忽兮老冉冉之將至也指白日以矢予心
兮敢竒衰之或貳也欲懷沙以自赴兮恐予誠
之弗識也惟忠貞以固守兮庶前脩之可企也

空山詞定邊道中作

峩峩兮山青片片兮雲生慘踈煙兮古道澹斜
日兮邊城邊城兮多山崎嶇兮行難枳花兮秋
晚櫛葉兮風寒飢獮兮號林絡緯兮淒吟憶鄉
關兮句屢重回首兮傷心

以汀州府節推謝侯忠愛祠樂歌并序

侯諱 字 姓謝氏江西豫章人

也正統間任汀州府經歷有惠政在
人任滿當代民數千人保留之尋陞
府推聽斷如神獄無冤滯無何隣郡
延平沙尤盜起汀民多陷於賊侯偕
守將設備禦之具屢戰皆克時邏司
獲男婦四百餘人及嘗與賊交通姓
名者守將咸欲誅之侯力辯民賴以
全活不幸以疾卒汀民德之為奏于
朝廷心愛祠并塑其像每歲侯誕辰官
為設祭至今如一日侯之子翰林學

士一夔間徵予詩予因為樂歌一章

以貽汀人俾於祀侯之際歌以享云

惟侯之生兮豫章之區出仕于閩兮厥聞大馳
始經郡幕兮惠日以施任滿民留兮拜

命節挫折獄如神兮囹圄為虛鄰不善治兮吏

黷而漁民瘠罔詔兮弄兵潢池侯泊守將兮設

備禦之寇北而去兮民安厥居邏獲男婦兮誣

以賊為守將邀功兮欲按而誅賴侯力辯兮脅

從罔治守將為沮兮衆幸無虞侯雖既往兮民

德無時請

命建祠兮歲享以儀陳籩列豆兮考鼓吹竿侯

念我民兮彷彿下之陰雲垂垂兮靈風滿旗侯
既戾止兮錫我百禧福我祐我兮慰我渴飢千
秋萬禩兮祠永無墮

擬招魂

并序

鶴慶知府相文吉之父卒之既數年
矣文吉痛念不置徵予為楚些之詞
予聞翁平生博涉經史隱德弗耀頻
年客湖海間懋遷有無踈財重義樂
善好施治家嚴而有法交友信而有
禮雖晚以文吉之貴受

封大夫無何竟以壽卒此其為人宜有

詞以追述之也然宋玉招魂乃屈原
弟子作於其師未卒之先今文吉則
欲招其翁於精鬼離散之後不亦踈
乎雖然予惟人之亡也體魄雖淪於
地而魂氣實升於天招之可來筮之
可集故予為詞以招之庶文吉於羨
牆之間彷彿其一遇焉亦足以慰其
終天之思也詞曰

翁其來歸胡為舍五鼎之養而之四方此去華
屋之居而適彼大荒此巫陽筮予引翁回襄此
翁慎無往懼彼不祥此去鬼兮歸來東方不可以

處此文身鬚髮動若蛇虺此殺人以目鶴人以
喙此彼皆習之鬼往必痲此

可以居颶風黑浪日夕相天

若湛盧此往來倏忽噬人如

方不可以嚮此渠搜狄鞮其此語

通嗜欲異向此象蟻壺蜂糾紛若塊此鬼

之食飲無餉此鬼兮歸來北方不可以止此

郭猩猩殊音難語此吐嚙枝踵食人如鬼此丁

穀不生積冰千里此陰風砭骨酸痛入髓此鬼

兮來歸翁無上征寮廓此天閣九重虎豹跳躍

此掉尾鋸牙噉彼無告此左右詒帝不使有覺

此鬼兮歸來翁無下入冥漠此牛鬼九首甘人

如藿此業風猛火烹熬以鑊此千迴萬劫毒彼

凶惡此長夜漫漫無時可脫此鬼兮歸來返翁

家此上下四方多奇衷此翁家第宅路匪賒此

渠渠夏屋流丹霞此雕甍藻梲張簷牙此黃簾

綠幙無囂謹此春蘭秋桂舒奇葩此紫莖屏風

生綠波嘉此圖史琴瑟左右羅此鬼兮歸來奈

樂何此室中之觀多奇芳此翠惟文几弘鋪張

此蘭膏銀燭爛生光此鬱金甲馘裊餘香此蛾

眉螭首侍翁房此紫簫象管朱絃鳴古此烹羊

擊豕陳吳羹此玉缸新酒釀鶯黃此嬌歌一曲

斷人腸此寃兮歸來樂未央此亂曰惟昔豪傑
兮抱負遠圖時不我試兮隱身屠沽嗟翁
兮混迹江湖高朗令終兮聲聞不渝矧翁
兮位列大夫
皇恩褒贈兮誥下清都嗟翁一去兮歲月逾
體山岡兮松栢扶踈秋風蕭蕭兮啼夜烏寃
歸來無遠殂

枕肱亭集卷之一終

枕肱亭文集卷之二

禮部尚書番陽童軒稿
門人監察御史金章編

樂府歌行

艾而張

維網有綱載張其目設彼中林以羅以罟伏藂
爾燕雀亦既來止莫黑匪烏亦既離止有鳥有
鳥其名曰凰其儀煌煌文明之祥周旋以適九
仞其翼于觀于遊而不來集張而獲之我心則
懌

行路難

行路難太行九折何
枯藤老樹掛絕壁攬
衣欲上愁攀援行路難
瞿塘三峽激流湍舟行
咫尺苦難進宛如生度
蛟龍關山之高水之險
不似人心千萬變人心
危峻不可窺眼前突兀
峰九疑人心險詐不可
測平地波瀾起千尺當
年握手出肝肺詎料相逢
不相識春風昨日五
侯門秋雨今朝廷尉宅
君不見春申舍人有李
園棘門之袖誠何冤又
不見田文車馬三千客
五百姓名書怨牒行路
難危於山險於水不獨
悠悠世上兒骨肉相看
亦如此行路之難難莫

君馬黃

君馬黃我馬白共拂巾車朝禁闕一朝君馬生
光輝渭橋金市馳如飛翠絲作轡玉為勒芻豆
盈筐秋正肥吁嗟我馬徒神骨緩轡周行思前
後西風一夜凍霜華廐上空餘乾首宿

將進酒

將進酒君莫辭請君聽我歌新詞百年三萬六
千日一歲歡娛能幾時君不見古人名利相奔
趨蘭亭梓澤皆丘墟何如秦宮花下醉滿堂明
月紅觀鮒紫辱信有命富貴亦有期一朝光寵
還自至何須讀盡人間書黃金注白玉鍾綠醅

初潑蒲萄濃貂裘不惜酒家換便當醉卧埋春
風盛時一去不再返綠髮明朝成老翁將進酒
枯莫空雲臺烟閣我何有仰天大笑浮雲東

關山月

關山月揚清光塞上征人望故鄉故鄉千里音
塵絕幾回見月傷離別枕戈夜卧草頭霜彎弓
晨走林間雪愁雲茫茫塞草寒月輪斜掛白狼
山一聲羌笛淒風急多少征人念未還

明妃怨

萬里黃雲塞草枯琵琶無語月明孤玉關回望
將軍寨錦帳鸞鏡夜博盧

結客少年場

惡少事游俠結交屠販兒輕身重然諾掉臂無
不為看花夜宿平康里鬪雞朝入咸陽市擣蒲
一擲百萬錢不數赤丸私夜語豈不聞荆卿高
歌易水寒西入函關不復還又不聞聶政持戈
刺韓國剗腸皮面輕生決古來大俠無代無紫
陽鐵筆誅賊徒丈夫一死貴合義何必虛將青
史污

竹枝詞 十首

家住東吳白石磯門前春水浣羅衣朝來繫着
木蘭棹閑看鴛鴦作隊飛

石頭城外是江灘灘上行舟候潮難潮信有時
還又至郎舟一去幾時還

郎為功名走九州妾愁日夜在心頭無因得似
白鷗鳥隨着郎舟到處遊

勸郎切莫上巫峰勸郎切莫往臨邛臨邛少婦
解留客巫山峰高雲雨濃

山桃花開紅更紅朝朝愁雨又愁風花開花謝
難相見懊惱無邊愁殺儂

蜀江西來一帶長江水無波鏡面光長恨人心
不如水等閑好惡最難量

湖荷葉翠盈盈露重風多蕩漾輕荷葉團團

以儂意露珠不定似郎情

勸郎水底莫鋪綿勸郎石上莫栽蓮水底鋪綿
綿易爛石上栽蓮根不堅

油壁尋芳拂翠蛾春衫半臂試輕羅海棠花嬌
香不露遮莫狂蜂蛺蝶多

燈花昨夜燦銀缸鵲聲今日噪紗窓可中三日
郎相見重繡麒麟錦帶雙

楊白花

楊白花風吹無定止一夜春波化綠萍飄逐行
舟千萬里行舟去去西復東却嘆相逢更何許
水無極萍無蹤連臂歌殘愁更濃

采蓮曲

采蓮朝下湖西曲
 短袂輕綃鬪粧束
 小紅艇子駕雙橈
 盪破粼粼鏡光綠
 荷葉荷花颺錦雲
 鴛鴦兩兩護波紋
 荷錢却喜似儂鈿
 藕絲還愛似儂裙
 湖頭昨夜西風雨
 沙嘴新添三尺水
 翠倒紅翻相向愁
 波心半露青蓮子
 采蓮復采蓮
 回船正迎浪不惡
 歸去遲只嫌明月上
 明月團團湖水秋
 清光滿面照儂羞
 郎家只隔湖南垞
 咫尺橫波日夜流

麗情曲

女棠芍歌
 春夜長
 轉轆驚夢飛鴛鴦
 玉肌苦法

夕風
 心帳冷流蘇
 熏繡裳起來窺鏡倦
 梳洗玄雲沙
 一飛不起玉麟金爵翠翹新
 似與春光鬪明媚
 花床曉霧香濛濛
 春困泥人星眼朦
 簾鈎鸚鵡隔窓語
 恠殺東君深淺紅
 試呼小翠卷朱箔
 一雙黃蝶花間落

自君之出矣二首

自君之出矣
 愁對月明中
 思君如木葉黃瘦
 怯西風

自君之出矣
 慵整玉搔頭
 思君如隻鴈孤影
 下南樓

春曉曲

妖紅軟綠含朝陽
鶯吟燕語愁人腸
苔痕漬露翡翠濕
杏花撲雪臙脂香
鳳衫輕薄春寒冽
斜倚銀屏怨離別
藁砧一去歸未歸
屈指東風又三月

猛虎行

長林白日暮
淒風起山城
猛虎初負嵎
狰獰誰敢撓
狐狸左右竄
父子逐逐行
磨牙若張戟
掉尾如樹旌
虎行不可近
虎怒能啞人
吁嗟馮婦慎
勿輕古今誰
是裴將軍

去婦詞

但何刺促出門不敢分明哭
憶初癡小嫁君

白頭生死常相隨
誰知中道生乖阻
棄妾紅顏不
少土弓鞋窄小
荆棘多掩淚行
尋舊時路浮雲上天
歸有時君心一失
那能回糟糠不忘
如再好重磨荆釵與偕老

拜月詞

拜月下高堂
滿身風露涼
曲欄人語靜
銀鴨自焚香
昨宵拜月月似
鑷今宵拜月月始
弦直須拜得月輪
滿應與嫦娥得相
見嫦娥孤恹妾亦
孤桂花涼影墜
冰壺年年空習羽
衣曲不省三郎再
遇無

惜花行

官舍有五色薔薇一株每歲四月其
花盛開因賦長詩一章以資清賞

桃花非紅李非白
宦遊見此真奇色
天機製出雲錦裳
燦爛文章鬪奇絕
年年花發正薰風
不與桃李爭妖穠
高處旋添蛾子綠
低叢輕拆鶴翎紅
紫檀和屑飛香霧
金粉團星貼雲母
上枝下枝參差開
不用花奴催羯鼓
花正開人正少
把酒看花惜花好
底須鈴索護芳菲
但願花時風雨少
此花已為人愛惜
綵檻移春憶當日
有酒即為樂
莫待花飛空太息
花飛飄泊不生安
得長少年君不見
洛陽歌舞地黃

雀棲荒煙

燕歌行贈徐七遵誨次唐人高適韻

黑雲黯霽陰山北
跨馬長征殺胡賊
腰間寶劍縣吳鉤
寒光閃爍青蓮色
一從仗劍出蕭關
幾載風塵瀕洞間
鐵甲戰酣青海月
羽書飛捷白狼山
論功自合分茆土
猶向軍前朝沐雨
可憐白首困窮荒
虎帳何人日歌舞
滿地腥風血色
腥輪臺萬里居人稀
胡兒吹笛朝出塞
壯士橫戈夜突圍
從戎却念辭家久
數奇尚落他人後
一聲寒角秋風鳴
望鄉幾度頻搔首
男兒離別何足嘆
才器如君世稀有
闔外會有推轂時
肘

後黃金印如斗玉門胡騎去紛紛更上燕然勒
大勲君不見匈奴多繫頸至今猶說衛將軍

再和燕歌行

黃榆白葦連塞北眼底穹廬皆虜賊屯空殺氣
連雲飛壯士相看失顏色元戎奉詔玉門關錦
帳牙旗壘陣間獨把一麾專節鉞儔能三箭定
天山單于生長樂邊土繞帳牛羊牧秋雨閑中
聚唱涼州詞醉後起為胡旋舞魚龍川頭古樹
腓絃干山前飛鳥稀紫髯胡兒眼雙碧大腹凶
奴臣一圍徐君遠戍邊庭久况復東海簪纓後
嗚語虎豹韜次功應位麒麟首憤時氣節

人如唾手功名今未有秋清長劍倚南天夜
半孤城臨北斗莫言白眼衆紛紛佇看高乘竹
帛勲君不見鄴侯知國士登壇終拜大將軍

再和燕歌行

攙槍夜射飛狐北虜騎千群來寇賊驚沙莽莽
黃入天笳鼓連營慘秋色大將排營列漢關雕
戈畫戟指揮間旆搖大棘城邊月箭滿祁連雨
後山戍卒年深皆著土慣識軍情耐風雨誓酬
報國慷慨心肯學當筵渾脫舞八月清霜百草
腓殷檉幾樹暮鴉稀南山射虎風鳴鎖大澤呼
鷹雪打圍桓桓驍勇從戎久競取功名惟恐後

橫樂長歌孟德詩請纓生繫賢王首交河大小
百戰餘鐵券丹書尚何有牙旗虎影凍翻風匣
劍虹光夜衝斗被堅執銳亂紛紛咆哮橫行策
異勲君不見田單能用命援桴一鼓奮三軍

駝馬行一首送朱文輝之江西僉憲

駝馬來自渥洼水夾鏡懸晴竹披耳一朝
天子賜近臣人馬輝光照問里南畿門外太平
隄駿尾蕭稍日夕馳春衣五色綵雲麗秋斧一
片寒冰輝有時乘向長安市九陌人行且避
嘶風驕噴玉花高弄影晴翻碧蹄碎除書昨日
府明朝又上西江路六月清霜向日飛一

款甘內隨車布使民年纔三十餘琅琅聲價高
墟璵澄清久攬范滂轡諫議曾傳張湛書羨君
此行直刃早西江黎庶須君好祖筵過鼓送行
旌一鞭曉出都門道都門草色青如恣馬行蹴
踏搖玲瓏駝兮本是麒麟匹歸來應置天閑中
柳枝詞

千絲萬縷畫樓前搖曳東風舞翠烟試問長年
能送客何如繫住別離船

春夜詞

金鴨香消午夜天粉墻西畔控秋千荼蘼夢怯
春寒峭起傍雕闌看月圓

步虛詞

霧閣深深客到稀
閑花繡滿碧苔衣
幾回奏罷
瑤臺簡控得金虬
月下歸

倉鼠謠

太倉有粟崇如京
太倉群鼠穴為營
群鼠穴倉
得所憑舊穀既沒
新穀升大者如狐
小者豚
纍纍白晝魚人行
群翻聚噉巧鬪聲
狸奴坐視不敢驚
君不見三秋無雨禾
稻枯遑遑菜色愁
田夫倉中有粟官不
發縣吏打門猶索租
老羸旦夕見
洞壑群鼠飽食人所
無於虜群鼠汝勿喜
張湯來磔汝

斷腸曲 效元體二首

五陵俠少年
子春風日日長
安市錦鶻鶴轡
青驊騮蛇弓羽箭
千金裘尋花折柳
章臺路圍紅疊翠
誇豪富歸來醉卧
流蘇帷醉中猶記
朝雲詞青樓只道
春光好蘭窓雨打
梨花老
江頭浪白煙如織
行舟一去無消息
去年有書在洛中
今年書到上臨邛
蘭缸昨夜生金粟
今日長安問
出出門不識東與
西遊絲落絮隨風
迷
商

五雜組 三首

五雜組蜀錦裳
往復還江上航
不得已為文章

五雜組鸞鳳衾往復還水中禽不得已思山林
五雜組刺繡巾往復還道上人不得已傷麒麟

巫山高

巫山高高望不極疊巘連崖倚天碧雲裏夫容
十二峰宛如神女晚粧濃襄王已去今千載行
雨行雲尚有踪朝朝暮暮荒臺下叶後反幾見行
人時駐馬古叶巫反玉珮仙香杳不聞空有神巫奏
歌舞路入楓林樹色青古祠飛雨亂苔生相思
何處愁魂斷木葉蕭蕭猿夜聲

出塞曲二首

山轅門軍中寒不諠塞鴻驚陣起胡騎隔

河屯前劈秋雲黑旗搖落日昏腰間雙劍在猶
未報

君恩

出得皋蘭北愁雲一望餘野狐啼古堠燐火照
寒沙鐵甲披風冷牙旗卷雨斜單于猶未滅戰
士莫思家

日出東南隅

日出東南隅照我陌上桑離離露葉小採摘未
盈筐蠶饑正伺食持斧伐遠揚使君五馬來躊
躇臨路傍妾夫侍中郎執戟趨明光妾非淇上
女豈比邯鄲娼願君回五馬毋為徒自傷

烏夜啼

庭前老樹烏夜啼少婦起聽驚且疑霜飛滿瓦
澹月白樹葉蕭蕭巢影危烏啼啞啞聲未已再
三聽來心且喜少婦啓窓紗叮嚀向烏語汝烏
啼有赦人言不虛羨願汝烏棲勿飛去一歲常
生八九子更與爾巢護風雨

春江花月夜

夜月懸金鑑春流颺錦帆江花如有意飛點繡
羅衫

芳樹曲

旭日轉洪鈞園林萬樹新回屏朝弄色綵檻夜

移春野迳俱堪望鄰家盡不貧獨憐寒谷底黃
葉尚凝塵

劉生

少年學武兼學文姓名不屬羽林軍殺人睚眦
不敢視橫行抱劍遊三秦鬪雞擊筑時將暮馬
蹄慣踏章臺路一朝官裏賜銅符百戰捐身寧
復顧平生挽弓能挽強區區郭解何足當願為
豫讓報恩死不學李陵嬰恥亡

亡 叛也

長安有狹邪

長安有狹邪徑微捷於矢白馬兩貴游鳴珂耀
金紫為問過者誰云是諱與史日晚譙高堂華

許

知

筵盛羅綺嬖奴舞巴渝美人歌北里列坐促飛
觴笙竽沸人耳平明甲第開趨者衆若市炙手
手可熱庇身身可庇孰生東墻生游心天地始
秋雨響疎桐蕭然閉門睡

折楊柳

細雨染鵝黃絲絲拂水長游人出門去惆悵惜
春光繞看葉闌眉又見花飛雪只恐秋風生長
條不堪折

車遥遥

征夫將早適起拂車上霜澹月殘星白遙思路
正長驅車出門遠少婦腸空斷不見車上人但

聆鐸聲轉鐸聲去悠悠聞道成涼州不識涼州
路空懷萬里愁愁來不能禦魂逐車輪去願作
石尤風吹折車前樹

野田黃雀行

嘖嘖野田雀群飛隨處饒時來晚禾裏啄啄爭
肥磽窮老逼官租終歲常苦號如何相聚食不
間夕與朝山長少彈射地僻多蓬蒿飛飛信得
所寧知農事勞

江南曲

桃花斑斑落紅雨玉缸春酒濃如乳吳姬白紵
裁舞衣一曲嬌歌少年子名曲江頭日晚停商船

衆中金多為上客當壚一斗沽十千引滿紅螺
吸明月栝空月落江水寒勸君且宿茱萸灣遲
明大扁掛帆去千里煙波傷玉顏

結襪子

大梁公子信陵君貴介豈比諸侯卿平生折節
能下士夷門屠市俱成名信陵一去今千載開
閣平津竟虛待士風愈下俗愈偷望履呈身何
足怪籠絡紛紛難具陳私恩桃李滿門春周公
吐哺不可見吁嗟結襪今何人

門有車馬客

門有車馬客駕言來故里念子久不歸契闊近

一紀主人延客坐悲泣不得語移時敘寒暄始
復相爾汝借問邦族間親知今有幾一一聽客
言大非疇昔比壯者死行役老者半為鬼前年
困征徭十戶九凍餒去年坐買辦往往粥妻子
上司急誅求鞭撻不少止貪吏寡仁恕浚削至
腦髓言罷各掩泣張燈具雞黍觴行四三酌深
竹映寒雨平明客登途愁緒誰為理

風木悲鳥二操為李景暘侍御作

惟木兮在阿淒風兮孔多風無寧日兮木無寧
柯念兒有身兮乃父之枝兒思終養兮父不待
兒顧瞻斯木兮兒心則悲

惟烏兮在屋月黑兮風淒以促啞啞哺母兮報
母之育碩兒有身兮實母之雛兒思返哺兮兒
母已殂豈兒有心兮曾不如烏 右悲烏操

古意二首

君好桃李姿妾好松柏老桃李搖春風飄零委
芳草不如松柏枝青青長自好

君好紫螺盃妾好青鸞鏡螺盃泛香醪飲之亂
人性不如鏡生光可以照歌正

長安道

長安在何許定鼎燕魚北周道千里平商邑四
方極金臺玉壘何堆哉重關設險從天來黃道

勅該部或將各官俱寔於法以警將來或內將
一員改調別任另除官員以補前缺如此庶
文武無紛競之私而地方有保障之策矣緣
李鎬係總兵柳應辰係方面未敢擅便具本
專差舍人王驥親齎謹題請

旨

欽差松潘等處提督軍務兼理巡撫都察院右
副都御史臣童軒謹

題為添設土官衙門流官等事准兵部咨該本
部題為地方事內開遼東宣府大同山西延
綏陝西寧夏甘肅四川松潘湖廣鄖陽兩廣

貴州雲南等處巡撫提督撫治等官今年俱免赴京議事各在地方脩舉本等職業若有重大應議事件益於政體便於軍民者明白條陳差人齎奏等因弘治三年正月十六日該本部尚書馬文升等具題奉

旨是欽此欽遵備咨到臣臣照得天下土官衙門俱因邊方土著人民語言不通風俗各異肆朝廷設立宣慰宣撫安撫長官知府知州知縣等官或一員或二三員有因其歸附而設立之者有因其人祖父有功而設立之者俱令防守其土地管轄其人民以為中國之藩籬

封疆之保障也及其有犯所在監臨上司官員俱不得輒便拿問悉用奏

請蓋以遠人言語土俗不同惟欲羈縻之而已此即古者不治夷狄之遺意也臣竊惟事有大小罪有重輕必設一一參

奏行提非惟萬里差人不便於往來抑且章疏頻繁未免煩瀆於

聽况有土地則有貢賦之入有人民則有詞訟之爭亦不可不為區處也今照四川龍州宣撫司宣撫薛紹勳副使李景鳳僉事王瀚知事康志誠雖報本司樂平里戶籍但各官并

所轄士民其言語服色悉與中土之人畧無
 少異合薛紹敷等各恃上官職事自以守官
 既無進陟之時廢職亦無退黜之典往往公
 行賄賂輕蔑禮法及其稽遲公文違誤公事
 雖欲罰俸而無俸可罰雖欲行提而無例可
 提由是錢糧拖欠而累歲不完詞訟繁多而
 民隱不卸甚而縱容家人庄戶人等搶虜人
 財侵奪田土強占妻女故禁平民毆死人命
 非止一端節因人民訴告到臣以一歲計之
 總有三百五十餘起所告官吏干證人等下
 下三千餘名臣除行松潘安綿等處兵備副

暖涵晴日赤箭青芝正初出都人爭植不辭勞
 斲碎香苔破春碧土脉陽和雨露肥青枝茁出
 皆善蓄忽然一夜春風動千樹萬樹紅霞開年
 年二月復三月兒女爭看好顏色不羨玄都觀
 裏花寧誇太華峰頭葉看花曾記上林游花壓
 烏紗照醉眸晴雪墮香粘翠箔綵雲飄影下朱
 樓于今南國睽違久惆悵東風一卮酒卧病閑
 門春色深長吟北望頻搔首感君為我活沈痾
 援溺扶危惠實多五株豈足報君惠為賦杏林
 春意歌

禽言四首

阿哥阿嫂兄弟而今俱已老斗粟從來尚可春
慎勿闚墻競此小阿哥阿嫂

苦苦苦苦避却蒼鷹逢乳虎年年剝削無了期
那得官中生卓魯苦苦苦苦

養蚕忙阿姑携筥婦采桑蚕老作繭姑勿喜官
絹正追三丈強養蚕忙

急急聒號寒啼飢難過活賣田且了今年租辛
苦來年只傭作急急聒

貧民行丙申仲冬四日子早

朝見貧民赴拾飯寺粥因作

群雞喔喔聲亂號起視太白東方高被衣上馬

出門去霜氣稜稜風似刀馬頭一點紗籠燭照
見貧民道傍哭跛男育女盡單衣聯臂相携赴
朝粥吁嗟三代制孔良丁男授田墻樹桑斯時
貧富自均一儲蓄有備無凶荒奈何秦任商君
計阡陌初開井田廢豪強恃力恣兼并貧者耕
無立錫地漢唐立法非不勤代田世業徒紛紜
井田舊制卒難復賦稅征輸多苦辛宋初頗用
均田法頃畝不均俱有罰後來金革日相尋田
野荒蕪事戈戛方

今有道治日隆養民政在蘇疲癯安得循良二
千古坐見挽回三代風

冰山高

冰山巍巍列層障突兀高蟠九霄上經年積雪不可消陰氣霾空幾千丈山頭路滑誠難躋羊腸鳥道催人車賢豪寸步莫能進富貴別有青雲梯冰山高險於石自謂攀天有餘力泰山華嶽孰敢齊只說蜃樓聊可敵攀援日日人如蟻古來捷徑應如此夸娥欲擲竟何為竊戚長歌亦徒爾蹇予有脚如鼃行見此異境令人驚訝嗟赤日何時明會者周道如砥平

滇池龍見歌為呂邦伯希顏賦代人作

昆明之廟龍所居出入變化升天池祈晴即晴雨即雨滇民歲歲無灾虞竭來歲川知幾許棟宇傾頽香火弛荒烟狐兔走荆榛落日漁樵避風雨賢哉邦伯憂民憂結構重將庭戶脩春祈秋報有常所豆籩香潔昭神休神龍有靈真莫測始信至誠能感格蜿蜒頭角見雲中下上迴旋雨甘澤我公德澤人罕儔神龍應禱斯來遊從今旱潦永無患邊徼人之歌有秋

貴州文廟新補樂舞歌

聖祖龍飛當九五文教弘敷邁千古陳常時夏古則然昭代黌宮極邊土貴陽乃在滇之東玃獠苗夷雜相伍只今垂統餘百年章甫諸生等

鄒魯當時文廟雖有室粵若後前缺韶舞每當
春秋上丁巳諸生綿蕤僅陳蓋邦伯下車嗟缺
典具疏星馳上天府

重瞳覽奏天回頽肆命攸司為新補于時庚寅
夏仲望大樂告成良與與堂上球絃雜詠歌下
管笙鏞間鼗鼓八音協奏無不諧合止初終兼
祝啟爵行一獻樂一成次第徐看舞干羽發揚
蹈厲有深意豈獨脩文仍寓武一朝盛事真罕
逢觀者門墻衆如堵頓令頑悍盡消釋恍若一
時霑化雨我公此舉誠有功陶範人才匪誇詡
嗣今大小期有成不用收威施賈楚願歌俚句

續思齊吾道生光照尊俎

轅馬歎并序

乙未秋九月八日子以公事早出崇
文門外見車夫有以駢驥之馬駕轅
群驢前拽者驢聞策聲其奔若飛而
馬獨伏轅下曾不得以少動何哉由
置之不得其所故也向使是馬去轅
釋縛使得驟於四通之衢固將追風
躡景一日千里而無難矣豈驢伍哉
烏乎天下不得其所者衆矣獨馬耶
因為轅馬歎

都城九月天雨霜大車嘒嘒行道傍客貨如山
 積滿箱群驢跛拽爭騰驥中有一驥七尺強虎
 紋鳳臆驪而黃肉鬃硯礪雙瞳方駿尾萃地紅
 絲長跼伏轅下如縣羊進不能奔退若僵皮毛
 剥落背有瘡車夫疾呼歸去忙隨車下上相低
 昂汗血泔泔流若漿何異鹽車升太行吁嗟尔
 驥予爾傷生不遭逢歟與陽困之驢伍豈汝朋
 叶誰能解縛識其良為爾韜出金鞍光紫絲絡
 首盧鏤錫王良駕馭臨康莊一日千里如龍翔
 一日千里如龍翔

菊花黃丁卯歲會試之京別內少作

菊花黃點秋色年年自謝還自開不管閨中有
 離別郎君明日金臺遊為郎把酒澆離愁手撚
 花枝挿郎髮駕言花發宜歸休郎君自是心純
 赤禮樂三千獻

明辟辛勤織作慎無憂黃菊花開晒歸日

月氏王頭飲器歌効元人體

老氏頭斷青萍冷白鵲旗翻寒日影葡萄一斗
 注猩紅冒頓傳呼作牛飲白沸卷酒令有鯨
 海秋可憐氏肉成糟丘祈連山前墮明月醉魂
 飲恨何時休穹廬桐馬香浮味唱徹胡歌衆皆
 醉有時覆手酌寒雪滴盡羞兒眼中淚老氏老

氏汝勿悲有頭盛酒可解願豈不見燉煌城下
陰雨飛戰士髑髏滿眼泥

沈肱亭文集卷之三

禮部尚書番陽童軒稿
門人監察御史金章編

五言古詩

感寓

景泰乙亥秋八月予家居無聊乃稽
往事述舊聞因而勉賦五言古詩六
十八首謾錄于此云

其一

幽居念無極乃在天地先兩儀既肇位寒暑互
推遷包犧鑿理窟馬畫斯播宣三才本一貫孰

能窺其玄

其二

天雞夜半鳴火輪出扶桑遲遲麗曲阿萬國皆
明昌聖人法天運俊德四表光林然萬物覩化
曜舒以長出作而入息泰運成虞唐何知負暄
者亦欲獻吾皇

其三

蒼旻示縣象晝夜恒推移三台各分位列宿光
陸離高高紫微垣中有天之樞輔弼暨丞衛旋
繞如聯珠長杠揭華蓋太乙層階梯乃知至德
主垂拱天下歸

其四

四序迭更謝日夕無停機人生覆載內造化詎
能違達人重義命愚者昧是非靈臺誘外物孰
知察危微勉旃力鞭策賢聖乃同歸

其五

吾聞邃古世土鼓而蕢桴黃帝垂衣裳晝夢游
華胥唐虞紹至理文德乃誕敷夏忠商尚質隨
俗變隆污姬周日文盛國風詠騶虞奈何五霸
習秦豆趨木涂

其六

雞鳴海色動群類各有趨猿猴解升木蟧娘知

轉珠物性率自然不假命與提人生靈萬物理
一分則殊賦形肖天地仁義本良知云胡日戕
賊冥然居下污

其七

瀛海環神州其谷澤無底迤漉八紘外不知幾
萬里川輸而不盈尾泄亦何已陽侯鼓洪濤怒
立百丈水試問王方平揚塵特虛語

其八

周穆御八駿漢武求三山所欲在長生豈憚道
里艱瑤池觴白雲金盤屑神丹刀圭卒難遇龍
去不復還千秋陵寢樹落日悲風酸

其九

明王慎大德四夷乃咸賓夏璜肅慎矢方物以
類陳所需在器用犬馬何足珍于焉昭德致孰
敢不來臣

其十

丹山出異鳥文采光陸離高飛薄霄漢虞網巧
空施昔當有虞氏此鳥曾來儀一鳴協韶樂千
載應昌期回觀百鳥群喧啾竟何為

其十一

青蠅乃微物營營止於榛偶遭騏驥尾託之千
里騰沾汚變白黑攻鑽掠羶腥嗟爾亦何得胡

為人所憎

其十二

孤桐發清商飛泉繞纖指一彈秋月明再彈天
似洗琅琅太古音不入箏笛耳安得鍾子期相
逢奏流水

其十三

宋人粥繒統一朝買奇貨晉人貯垂棘韞積十
載餘技輕信易售器重識者稀所以呂尚父白
首漁磻溪姬文苟不遇卒老甘布衣

其十四

采采夫容花江長浩烟霧縈彼同心人方舟不

成渡歸來坐前軒月白澹清露永懷弗能諼鳴
璫渺何處

其十五

衆人恣懽譎志士恒苦憂所憂非一端不為衣
食謀吳忠裹鷓革楚直沉湘流區區不識察心
贅成仇讐長城乃自壞千載將誰尤

其十六

貧賤不可去所願甘布衣先民有格言富貴履
危機高車豈不好一覆信難支君看廟中犧孰
與濠上魚賢哉鹿門叟去去從此辭

其十七

崇蘭襟蕭艾薰猶本自殊妖穠世所尚馨香獨
何為時無纓佩者青青遺路岐殷勤理蕪穢勿
為塵所欺

其十八

干將出塵桺光奪寒泉流平鋪白鵬帶疑是蒼
龍鈎神物古所異有氣冲斗牛雌雄忽失偶空
為時世羞誰能獻

天子請入上方收依然炫鋒鋦斷彼佞臣頭

其十九

乘黃本龍種上孕房日精何當馭造父一日千
里程騰驤逐流電駭躍躡雲輕馭駘信非疋款

段敢爭能胡為置立仗而不使一鳴俛身駕長
輅垂首絡繁纓良才乃爾用空慙神駿名

其二十

迢迢弱水西中有三神山石洞閱日月芝草生
琅玕龍畊玉田水鶴啄松雲壇仙人羨門徒日
夕居其間煙霞組長袖刀圭駐紅顏我昔從之
游飛珮鳴珊珊竭來住人世矯首隔塵寰安得
大鵬鳥飛來載我還

其二十一

松栢有孤性冰霜恒自嘉天天桃李顏爭為兒
女誇物情既云爾志士復何嗟北宮有遺薪東

陵無故瓜斯人不可見目極飛鴻餘

其二十二

南國有佳人顏色白如玉天寒被短褐奚羨綺
與穀居貧諒自持豈云乏膏沐素節誰能儔西
山有孤竹

其二十三

蠨蛸矜小智結網掛高楹微虫亦蠢爾冥飛入
其罾居然取而食蟠腹縣晚晴有蜂忽相觸急
趨欲有營螫尾肆厥毒醜物俄斃形嗟哉機變
者飽食安可恒

其二十四

出門瞻太華危峰拄天際宣尼去日遠巍然徒
仰止大道日淪湮攻鑿弊諸子獨抱萬古心感
嘆何時已

其二十五

衆人嗜奔競宛若風中花朝開燦珠玉暮落隨
泥沙所以古達士知命匪所誇寧甘伏櫪馬恥
學粘壁蝸魯連今已矣撫卷徒興嗟

其二十六

艷色天下重不以古今殊明妃傾國容如何嫁
單于有貌不足恃有才當自愚士衡遭殺戮元
禮成羈縲君看冥冥鴻人生反不如

其二十七

三策出江都一語取丞相命途有通塞絲粟不可強嗤彼操瑟徒杓鑿竟何往身辱名亦虧豈但尋尺枉陋哉投閣雲美新空附莽

其二十八

披裘詣中野拾薪以行吟孰云季子賢顧謂取遺金天地物有主妄攫誠何心焉知肱篋者掉臂方駸駸

其二十九

食客世恒有義士天下稀田光報太子杵臼存孤兒英聲振今古名與金石俱彼有廊廟器佩

玉飄長裾國難僅一髮縮首思全軀吁嗟長樂老遺臭將誰欺

其三十一

軌方信難適輪圓始能行儉人醜正直端士羞逢迎是非得失間將焉用吾情寧為齒剛敬勿為柔舌榮

其三十二

曲沃產縣匏汶陽發孤莖參差製雙翼吹作鸞鳳聲悠悠楚妃歎切切荆王吟空慚濫食者亦有南郭生

其三十三

驅車欲何適駕言陟高岡陰雲垂四野烈烈北
風涼豺狼嗥我後鳥鵲噪我傍巖谷少居人我
行多所傷念茲不能往匪云途路長悠悠歲華
暮佇立空彷徨

其三十三

明月射虛牖寒蟬悲洞房感之不能寐起步徒
自傷美人隔千里欲涉川無梁徘徊予孤影涕
下沾衣裳

其三十四

朝過易水湄鷓鴣蚌方怒爭今日復明日漁者得
并擒齊魯擅敵國干戈日相尋寧知兵火散坐

使羸氏口并

其三十五

秦人據嶠函自謂萬世基孰知楚一炬百二俱
成灰惟彼陶唐氏有此冀北陸勢無金作城利
乏湯為池黎民悉於變垂拱成雍熙乃知帝監
德豈在險與夷

其三十六

步出北郭門風悲白楊樹亦纍古今墳高下正
相似中有百年人長眠不知曙荒烟狐兔遊落
日下樵豎蒺藜秋著花一望迥無際感彼雍門
琴淒然淚如注

其三十七

相如賦大人曼語誇獨步飄飄氣凌雲時復中
規度雖云諷意深適足誨淫助不見霧縠奇乃
是女工蠹

其三十八

富貴親戚憇貧賤父子離骨肉尚如此何況他
人為季子昔未遇憔悴面目犁一朝佩相印華
車千乘隨揣摩發雄辨抵掌驚愚癡還過洛陽
境父母為道除蛇行伏妻嫂局促一何卑季子
不足道薄俗堪長吁

其三十九

昔云遺壽者稽謀無自天如何鮪背者徒抱犬
馬年賈生洛陽少叔度漢室賢高風灑六合古
今無間言

其四十

荆山產奇璞不惜屢獻之苟懷剛足憂至寶橫
路岐何如南陽卧謳吟梁父餘終然致三顧可
使大名垂

其四十一

清流有時濁白石不可爛雖膺推轂名未免吹
竽濫門前桃李榮籠中桂芝滿苟有為國人相
知寧恨晚

其四十二

千金結知己自謂兩不疑
詡詡氣相下握手肝
膽披柰何黃金盡一朝生
別離潛謀發機弄反
眼相傾危朝歡莫仇敵
狀類犬豕為安得金石
心千載永不移

其四十三

平路不生廷瘵智久清澮
束管以代楹奚免風
雨敗知人古所難進退
各以類謂予如未信請
觀易否泰

其四十四

相馬必以輿相士必以居
容取失子羽言取失

宰予聖人察所安尚蔽驪
黃餘况彼肉眼夫乃
欲評錙銖麟植巧外飾
狗瓦同兒戲寄言姑布
徒奚以骨相為

其四十五

積毀解消骨積羽能折輪
曾參固仁者而豈能
殺人流言三及之投杼
慈母嗔所以南陽老長
為梁甫呻

其四十六

金玉瑩奇質不為礪鑄渝
君子抱仁義豈彼貧
賤移夫何陳蔡間於窮
亦殆而削然反琴歌通
塞不復知由安穎陽樂
共適丘首頤古今同一

揆萬世真吾師

其四十七

彼姝者誰子云是南國娃幽閑不踰節自幼本
良家蛾眉妬新月玉貌羞仙花一朝入楚宮容
色絕世誇終焉鄭袖忌劓鼻空成嗟

其四十八

老狐戴髑髏夜拜北斗神綏綏曳長尾頃刻化
為人恠異固莫測妖術方日新高城竅深窟蟠
結無與倫望之不能灌憂憤填秋旻

其四十九

神龍本陽精變化升天池霍雲澤下土在在蘇

群黎一朝天帝怒下謫荒山陞鱗甲悉瘡痍螻
蟻紛制之過亢信有悔聖易豈汝欺何當復飛
躍鈞天日遨嬉

其五十

為政莫若猛有德斯以寬火烈望之畏水弱民
玩焉寧知一念慈流禍不可旋徃符盜群起盡
刈猶草管猛寬貴相濟至哉宣父言

其五十一

鳴荒世已遠王伯分二途學術有誠偽治迹殊
隆汚王道曠如天蕩蕩不可模霸圖塞罅漏反
掌成歡虞吁嗟四三芋請視狙公狙

其五十二

斥鷃飛蓬蒿晝夜聲唧唧大鵬運天末鼓簸垂
雲翼小大固不同賦性各有適夫何含齒徒終
歲不遑恤田毛責地征庸調苦徭役安得蕭與
曹民心庶寧一

其五十三

誠能格異類信可孚豚魚昭然布方冊斯理不
我誣弘農虎東渡潮陽鱷南驅潁川鳳來集騶
邑蝗不飛斯民實人類而豈物不如頑貪信可
變愧無韓鄧俱

其五十四

珠藏川發媚玉韞山生輝君子抱竒器厥聞乃
四馳柰何鄭人朴云是鼠腊為名存實則病百
世空成嗤

其五十五

蛇足不可添虎尾竟難履弄巧本無成逢危貴
知止陳蕃死北臺晁錯斬東市黃泉如有知冤
魂共誰語

其五十六

有客遺瓠種樹之南山隅秋風結佳實喟然成
巨壺剖之以為瓢濩落無所需誰將慮大樽逍
遙浮江湖物固各有用在予宜有圖

其五十七

養志必忘形重義乃輕利為問賢者誰曾子昔
居衛正冠絕塵纓捉衿露雙臂曳屣一高歌商
聲滿天地

其五十八

人心匪可測頃刻忽千變明敦玉帛好中實慘
刀劍彎弓思愈已發墨構深怨高山猶可登浚
泉猶可見厚貌飾虛情古今庶為鑒

其五十九

眾貪必惡廉眾曲斯惡直邪正有兩途是非起
勅敵遜菴偽學名温國黨碑立世事每如此不

况奇耦畫

其六十

異端亂人耳譬彼淫哇同聖人不復起聾俗何
由聰如何六籍後紛紛費研攻孰知千載下見
此紫陽翁擠排振其落敷揚發其蒙斯文天未
喪尚幸斯人功

其六十一

坎蛙不知海甕難難語天區區章句儒妄意斯
道傳訓話竟穿鑿末技空雕鐫寧知方寸內萬
化本一原桓讀乃糟粕信哉輪扁言

其六十二

海外更九州中有道名國男女恒裸形衣裳咲
襜複此事信不經貸之乃夷俗堂堂華夏域禮
教匪不足偷詐肆相欺而寧知恥辱漿酒與藿
肉日飽牛馬腹視彼謹厚夫群嗤衆爭逐賈生
倘可作此亦堪痛哭

其六十三

駑駘產冀北十五以為群秋風飽芻豆簇簇如
雲屯中有八尺姿天矯其游麟饑食玉山禾渴
飲瑤池津路遠不易得終歲恒苦辛盜跖曝人
肝金玉如煙塵顏回一瓢飲難免陋巷貧斯理
自古來仁人胡歎哉

其六十四

蜉蝣溺大溷生死隨朝昏蟪蛄吟夏樹秋委落
葉根人生亦祇爾鬢髮忽素痕何如秘元命囊
括經世文葆真鍊精魄龍虎相吐吞黃芽變仙
骨永與天地存底須謝塵世遠赴滄洲雲

其六十五

任公垂大釣投竿東海湄期年不能得蹲坐苦
不辭倏然牽摑餌有魚吞食之驚揚奮鬣鬣水
擊風霆馳引手試一掣腊肉如山陂嗤彼趨瀆
者綸影飄游絲時時雖有得瑣瑣皆蝦蟇得魚
尚云爾經世奚能為

其六十六

旄頭射長空胡馬南下牧封疆失固守老稚遭
殺戮隴上掠牛羊腥膻飽胡腹豈無當世雄可
比衛與霍長驅十萬師橫行淨沙漠

其六十七

梓人職繩墨鑿削器不居一朝構棟宇羣役環
嚮之斧斤視規畫刀鋸聞指揮逾時大厦成名
生乃上書始知君相任所職在無為講求經國
理元化機百工苟無曠庶績乃咸熙功成

六周召與同歸

其六十八

殺青示鑒戒善惡存始終孰知馬遷筆益長澆
漓風論道敝黃老敘事尊奸雄深譏貧賤恥虛
美貨利崇厲階由此始歷世將無同安得起孫
盛筆削昭至公

予既作感寓詩覽者率以出韻為言
余惟孫恂唐韻大抵為近體而作非
所以施於古詩者也古詩如十九首
及漢魏諸名家之作或二三韻或上
下韻俱不嫌於並押是有考於三百
篇之體也近代吳才老作韻補亦以
江陽真庚韻相通豈不以古今之詩

不同而古

唐之

詩人杜子美最號大家律詩中玉山草堂一首亦用真文二體其古詩三四韻者如潼關吏彭衙春陵義鶻行之類尚多有之余故不可以不辨也時景泰乙亥冬十月上浣日軒識

擬古

有園莫種桃有地須種竹桃樹搖春風嫣然媚紅綠豈無一時好終隨車馬足何如青竹枝歲晚在幽谷節直心亦肅冰霜立寒玉

谷項司廳文祥

為別歲云莫相見良未繇聞君抱新恙使我增離憂悲風鳴四野雨雪正颼颼如何山陰道亦有訪戴舟閑居訝空谷寂寞誰與投卧聽雲中鶴禽鳥有匹儔知音古昔少俚馬何所求思君不能寐起坐彈吳鉤安得往從之握手懽相酬冷然挹清論庶幾無悔尤

樵樂生

舉世汨聲利君若了不關孰知天性真乃在樵斧間秋晴微雨歇黃葉漫空山長歌入幽谷丁心獨閒朝俱白雲往莫隨飛鳥還怡然得至樂俛仰真無慚富貴蟻穴夢功名蝸角歎何如

一束薪去取諒非難劃然動長嘯六合清風寒

蘭

汎汎崇蘭安托根雲水涯光風一披拂綠葉何
惹萋君子采而佩馨香竟無比羞彼春芳榮媿
然媚紅紫

琴軒為同鄉聶典史題

退食自蓮幕鳥下吏人散綠槐初霽雨高軒正
蕭爽焚香理吾琴襟抱絕塵埃淒淒鸞鶴吟颯
颯松風嚮春隴雉登木曉日牛鳴盜孤臣抱幽
怨壯士歌慨慷冷然會深趣千古心獨往師涓
不復作雅調竟誰賞願為南風詩排雲獻

天上

舟中答張壯勉一首

二月發官道江水深且幽問言欲何往述職朝
帝州東風生蘋末時雨忽已收古驛出高岸嘉
樹臨芳洲張君平生友雋雅孰與儔推逢時過
我握手仍相留談咲雜諧謔氣味欣且投感茲
會晤意孰云離別愁君才豈凡近力學追前脩
沉淵匿神物伏櫪淹驂騶青雲諒非遠白首寧
足憂而我迂鄙質與世恒仇尤東臺偶承乏竊
祿良可羞遙遙川路長去去移輕舟斜日照孤
渡蒼烟飛白鷗明日淮陰酒擬換囊中裘

和陶彭澤歸田園居三首

歸來寡人事被褐遊青山芳草滿
迺生又閱新
歲年雲飛返層岩魚躍當深淵
長松夾幽戶新
林垂高田俯仰自無愧
咲傲林壑間數卷積案
頭一觴倒花前飛飛布穀鳥
藹藹桑樹烟紅塵
絕外想白雪任盈顛
貧窮豈不念棲遲有餘閑
清風北窓來聊復樂自然

村居近南山終日絕蹄鞅
幸無形迹拘烟霞
愜
真想時尋沮溺翁酌酒共來往
微雨夜來過西
疇禾黍長禾黍日已長
我懷日已廣誰謂貴賤
殊千秋同草莽

偶影自成酌知音相與稀
山深日將夕坐看孤
雲歸踈柳蔭前除涼風吹我衣
衣單亦何恤人
事每多違

和杜工部三韻三首

鹽車病良驥涸轍困長鱗
馬病汗流血魚困目
有神君看忠讜士多為名累身
扶搖大鵬鳥翼若垂長虹直上九萬里
寧辭海
運動自非大和風不徙南溟中
正士恥多岐衆人貴同調相門苟可入
拂鬚奉
顧要纍纍金印黃徒詒賢者咲

和韋蘇州寄全椒山中道士

元坐郡齋裏遠憶黃冠客洞口采芝歸羣羊卧
白石風吟落葉秋雨翳殘鍾夕携酒欲相尋山
深斷行迹

和柳柳州贈江華長老

丈室團菁茅禪心湛虛寂去歲春陵來蕭然寄
高跡貝葉坐翻經篝燈寒照壁萬慮了無營一
盂飯昏夕松關踈雨鳴竹塢幽泉滴入定起來
遲曇花滿身積

和李翰林安陸白兆山桃花嶺寄劉侍

御綰

白首非少年還山學隱仙時尋羨門子飛珮聲

珊珊春來桃花嶺看雲隨處眠五城非迥絕三
島遙勾連閑中攀碧蘿直上崑崙巔黃鶴東南
來叫破萬里天松絃翠濤響泉沫珠顆圓丹光
射白日芝草搖晴烟伴鹿坐花雨呼龍畊玉田
久懷冲舉願永謝塵世緣寄言霜臺客可以同
周旋

題居易齋

人生固有道安命乃其常如何夸毗子磬折趨
路傍乞墻濫名器胠篋爭攫攘一朝事執力去駢
首懼凋殃冰山向日頽金谷隨烟荒喆人鑒斯
轍正已恒不忘簞瓢豈足憂圭組豈足光衰榮

無定在通塞任彼蒼開軒坐北窓仰睇浮雲翔
悠然謝塵鞅聊復啜此觴

止言

世方喧利口聒聒了不休聖教貴無言之汝欲
何求吾觀夸毗子膚險良可羞大易著明訓括
囊無怨尤

懷魏冢宰老先生蕭山人

道學喪已久民心因物遷聖賢不復作病俗何
由痊勲名競夸詐學術紛雕鐫坎蛙不知海孰
障西流川天生魏夫子力任斯道傳知周庶物
表心契萬古前文章周孔學事業臯夔賢後容
出處間名與日月懸青山賦歸來白雲當窓眼
相思徒仰止日夕東南天

分題得善萬物之得時送蔡大尹還越
東皇載陽和庶類滋以榮萋萋岸艸綠的的林
花明深淵躍潛鱗高樹鳴倉庚江山亦增媚暢
彼羣物情吾生竟何如乃與憂患并少年學理
道將老卒未行拜迎事官長鞭朴嗟蒼生才高
位不展行峻責愈盈嚶嚶鴈失侶逐逐雲孤征
便當賦歸去矯首家山青

題九老圖

我聞神仙人往往不易得斯圖繪九老乃類羸

洲客容顏尚渥丹鬚髮盡垂雪想當香山遊高
會繼英特安定司馬胡馮翊衛尉吉劉鄭宜可
有盧張亦同列就中老居士頗憶姓是白平生
慕出仕稍稍著勲業一朝服官政歸興浩若決
復有元爽翁齒數已過百僧人如滿徒少口共
鄉陌投閑時盍簪氣味迥無別臨流撫鳴琴倚
杖聽啼鳩長松雨初過草色翠如疊優游竟忘
疲聊以卒歲月予亦曠達人奔走困仕轍何年
預斯會不俟殘齒缺願陪衣冠後石澗采薇蕨

題大佛洞在遂寧縣

平生好幽勝所至窮躋攀今朝銜使命偶此登

名山縈迴小洞底豁然異塵寰蒙茸竹雲細蕭
颯花雨寒下有千尺流晝夜聲潺湲巍巍大金
仙坐鎮石壁間歲月知幾何苔蘚生爛斑古今
一掠泡等是何足歎我來愜清賞又得半日閑
振衣起林麓咲逐孤雲還

題夢萱卷

朝望天際雲暮思堂上親子行正無寐惻然傷
我神江湖日以遠親顏不可見回看身上衣空
悲手中線豈常昨夢到北堂堂前樹萱草秋風忽披
拂顏色寧復好覺來坐蓬窓憂心耿難忘月明
弔孤影涕下露衣裳

和翰林周先生酬諸君子之作

卓哉衆君子聲利了不干良時足嘉會况乃并
一雞春陽載和燠烟花滴晴巒欣覩羣卉榮豈
徒適吟觀

聖恩曠無際民物皆阜安衣冠樂清暇永此一
日歡夫何晉人禊增以憂恨端古今信逆旅脩
短何足歎願言策吾駕詞藻方波瀾

秋閨詠別

相見更何日相思良獨悲紅顏奉巾帶白髮遺
路岐別來曾幾何霜露忽淒其仰見明月光衆
星羅參差帽耀已宵飛蟋蟀鳴庭闈感之不成

竊淚下那可揮西風吹羅幕念子寒無時豈不
盛嬌愛知者當為誰願君崇令德努力愛容輝
棄捐勿復道沉吟令人老

田家雜興四首

東風扇微和百草萋以綠林間倉鷓鳴正爾春
景燠田夫喜春到相率殖嘉穀時雨夜來過新
苗青簇簇老翁負薪回稚子飯黃犢幸逢官府
閑近日少徭役努力事耕耘毋為餓空谷
步履出東郭南風溪午時偶來松樹下竚立澹
忘機野老見我至情親語依依桑柔蚕已浴麥
深雉初飛俯仰玩物理逍遙詠而歸寄謝王良

子虛名徒爾為

田家無外求所願營一飽今秋幸少豐處處熟
禾稻租賦輸官倉里胥夜不到張筵會賓朋雞
黍雜梨棗相對陶一觴頽然玉山倒

茆簷冬日晴懷抱良不惡柴門晝始開雞犬散
籬落今朝無客至婦子相聚樂林頭熟新酒聊
復共斟酌高歌自自慰焉知死溝壑

思與君別來

思與君別來兩見落葉黃迢遙隔千里各在天
一方欲往恨無翼欲涉川無梁昔者固膠漆今
胡作參商平平長安道人馬自輝光不念莫逆

好虛名竟乖張南箕豈堪簸牽牛難服箱憂來
不可輟撫膺獨彷徨亮無金石心與君永相忘
池上夜坐

池上微雨收涼月吐空谷蕭蕭敗垣柳踈影覆
我屋草深蛤爭鳴荷折鷺驚宿偶此遂閑情居
然忘寵辱

風木卷為蔡教諭題

極目鳳山路松楸暗佳城為問塋者誰蔡氏有
先塋西風吹宰木晝夜號秋聲奈何親父沒悠
悠隔平生儒冠飽君祿生養不得迎因悲樹欲
靜策策風靡寧感之懷抱惡有淚如河傾惟餘

寒食飯少慰泉下情

舟經湘潭有懷屈賈二子

牽舟西南上所往非一程今日到湘東日出潭
水明推蓬見青山依依如送行時當長養節好
鳥聲和鳴仰視天宇闊俯臨川上平薰風颯然
至洗我浮世情古人不可見所見惟虛名毋為
計寵辱頓使此心驚

春輝圖為滇雲萬都閩題

熙熙春日暉綿綿原上艸原草含春暉青蕊生
意好流光忽西馳曠息春已老誰知寸草心懷
恩竟難報萬君邊閩英所志在忠孝緬思堂上

親背葉亦何蚤感此春輝圖中心怒如擣

和沙木和驛壁間鄭都憲詩韻

驅馬上林麓陟此崔嵬顛俯視見雲影側聽聞
流泉物理信堪適人情良不然民貧兵力疲惟
悴當誰憐所司不遑恤剝削方求妍我行適見
此喟然歎窮邊歲月曾幾何當不殊往年狐狸
安足問祛除欲何先

詠鶴

翩翩青田鶴皜皜玉雪衣一朝養初成奮翼升
天衢回旋遡寥廓日共鷓鴣嬉虞人挾詐術伺
我潛發機我飛適中此毛羽半摧頽倉皇墮山

澤鴈驚每見欺天寒稻梁少歲晚恒苦飢偶因
晨風發載我西南隅西南萬里外道梗儔侶稀
虫魚豈不足所恨非故棲延頸望雲路爾羽何
時歸

自曲靖回至楊林觀田家刈穫有成

輜車至楊林秋日正卓午時維九月倏穉穉滿
滇土田家急收穫處處築場圃甌窶亦滿溝牛
載更兒負筋力誠乃疲腰背若偃僂所願在有
秋不復辭此苦寧知輸官倉所得遺幾許貧家
計口食歲莫復貸舉因思井田制百畝什一取
是時人足食狼戾厭禾稌呼醪擊肥鮮含哺醉
起舞此樂不復見使我熱衷腑所冀良有司善
政去苛虎悍吏不打門瘡孔或少補作詩告民
牧殷勤為摩撫

村田樂圖為

內相素軒錢公題

昔在唐虞世俗善民相親八家實同井耕收力
惟均是時村田間民質如游糜擊壤有餘樂含
哺無嘖呻孰知世日降三代變狂秦經界不復
正強暴相并吞干戈事行役飢寒多苦辛遂令
百代下風俗難回淳政苛若猛虎郡邑成墟榛
操瓢轉溝壑哀痛聲忍聞何人貌此圖彷彿康

衢民惟應文景際海內咸富殷陳陳太倉粟紅
腐每相因後來貞觀治用意亦良勤斗米僅三
錢路無拾遺貧悠悠千百載兩見造化仁奈何
治日少培克殊紛紛青苗任新法花石貢陰濱
吾民當此時何異魚在綸

大明當九有萬姓逢昌辰况茲邊徼任乃屬
心腹臣撫摩猶赤子恩愛同陽春四郊盡樂土
遠近無烟塵年年二月候村村花柳新居民作
春社雞酒聚比隣吹竽復考鼓起舞仍蹲蹲歡
呼奔老稚來往襍蹄輪信知仁政下巨壑無枯
鱗古云一日澤此意猶能存我歌村田詩再見

函風陳

觀內相素軒錢公射鳥因賦鄙韻用

呈

勝日良讌會逍遙雲水鄉佳賓列四座繁吹促
飛觴時維秋序晚穉耜垂田疆觀茲農事成歡
樂殊未央高柳蔭虛亭殘荷薦餘香有鳥類山
雀枝上止且鳴叶左右紛射之鳥號竟虛張公
起挾一矢疾發如流星叶翩然中脩尾遠墮池
水傍衆賓競稱賞此巧奪穿楊方今西北境獫
狁來助勦安得我公葦強弓用其長一箭退勦
敵摧北如驅狼坐令四海間至治成虞唐

素行齋為曹司訓以寧賦

至人貴素行而豈外物慕儒冠三十秋曾不殊
布素窓前貯古書日夕誦且悟臯比坐談道正
聲起韶護時時綴文章下筆騁遷固諸生日樞
趨藹藹揖風度蘇湖百載餘今復見矩步杏壇
春日晴絃歌有深趣視彼富貴榮何如草頭露
不學夸毗子終焉趨末路

擬阮嗣宗詠歌一首

掩書坐前楹獨對一樽酒春風吹柳花漂泊入
虛牖喧喧名利場能有此樂否人生不得意胡
為事奔走昨朝美少年今日成老醜自非松栢

安安能無白首

哭姊

我年十五時不幸失所怙私門禍釁纏母亦尋
見負哀哀抱深戚耿耿心欲腐是時姊甫笄已
作張氏婦念我同胞親恩愛每相顧我喘獲苟
存見姊如見母竭來歲月遷中外叨仕膺骨肉
久離別相望異鄉土時時得姊書頗似顏面覩
行當謀掛冠為姊粥親煮奈何王事縻山川日
乖阻因思昔別時河橋日將午姊送不忍歸恐
我難再晤昨朝家書來豈意遽傳仆彼蒼胡不
仁生死竟殊路初聞若遇刃痛楚徹心腑嚼梅

孰云酸嚼檠孰云苦免哉但長號臨風淚如雨

歸田襍詠

少日讀古書志每慕行道仕途三十年忽忽歲月老升沈與榮辱幻境屢顛倒道卒不能行顏色日枯槁古人達兼善念此感懷抱往者不可追晚節庶能保

我心猶貯丹我髮半垂素長歌歸故廬蕭然僅環堵西風動秋聲落葉滿窓戶蓼蟲避堇荼亦孰知其苦時來長者車握手論舊故優游此樓遲聊爾忘歲暮

密密下垂垂雨脚飛山坡屯膏一以泄桃李得

春多我畝南東疆久晴未芽禾孰知咫尺天造化乃尔頗鳴鳩空拂羽坐見時叙過東作事已晚民飢將奈何

西北有高臺灌木拂危檻時當暑雨餘青蠅飛集滿蘊隆正如悒鬱結不能遣歸來卧北窓枕簟聊爾展清風左右至懷抱為之浣暮起看青山得喪付一莞

淒淒復淒淒去婦不復啼人心苟不同焉能無別離青蒲生水底寸寸連根株浮萍蕩綠波風吹歸海涯物情有離合而豈人力為但保容華在毋為悲路歧

稟性寡諧俗投簪事歸畊踈籬映幽戶遠我遺
世情東風春晝長時雨忽已晴庭柯靄新綠有
鳥鳴嚶嚶故人適過我尊酒話平生悠然有真
樂鍾鼎何足榮

通塞猶寒暑來往更共之翟公廷尉日賀客咸
爭趨一朝罷官去雀羅門可施訕信有異境炎
涼乃其宜悠悠行路心區區何足疑但保固窮
節勿為志士嗤

猗猗蘭蕙花託根在空谷深林間無人幽芳自
芬馥東風吹岩阿蕭艾紛滿目氣味諒則殊誰
能賞貞獨年華去如馳白露下秋綠感此意遲

徊援琴不成曲

滄溟望不極遠與天漢通日月互吞吐雲霧常
昏濛九淵儲萬寶云是龍王宮江淮敢擬大川澤
盡朝宗奈何清冷地有蜮生其中含沙射人影
狀類毒矢攻誰與告海若驅之絕其蹤

貧居徒四壁閨然閉中堂厨煙午未炊飢火煎
枯腸老妻頗愠見幼女咬我裳書空久危坐悵
惘若迷方忽取一卷書誦聲起琅琅宣尼大聖
人居陳猶絕糧嗟我何為者固窮乃其常有鶴
斯在林有鷺斯在梁母為自摧折餒然同翳桑
庭菊有佳色粲粲東籬邊西風下白露暗滿黃

金團馨香竟誰賞采采還自憐蟋蟀鳴階除感
此悲歲年獨持一杯酒兀坐無與言高歌自成
曲肯負涼月圓

舉世日崇利義路生塵埃貨泉不可塞倖門為
之開馮都索高價銅臭紛然來始焉鑽穴隙倏
爾登上台士習日云壞頽波孰能回吁嗟巴中
婦濫觴懷清臺

鬱鬱長松樹託根在高岡皮鱗纏衆艸灌莽蔽
其陽風襲與雪瘡歲晚色愈蒼悠悠歲月駛客
免蝼蟻傷神明扶正直豈欲具棟梁匠石來何
時苦心空爾剛

彼姝者誰子云是南國姬肌膚若冰雪綽約多
令儀朱唇粲玉齒螭首更蛾眉明月以為珮笑
蓉以為衣時時理瑤瑟纖指如柔荑一彈三四
解古調人鮮知盛年不可留鬢髮忽絲柰何蹇
脩誤失身屠販兒含羞恥為疋所頤歸故廬故
廬徒四壁風雨每敗之瓶中無儲粟身上無完
襦無襦與無粟寧免寒與飢鉛華不復御明鏡
不復窺悠悠歲月暮默默空自持殷勤謝蹇脩
毋為致蔓詞此心信匪石矢死永相移

贈林秋官待用

浮雲行太空飛揚任舒卷終朝不成霖坐令白



原件短缺

P31

日掩勇哉林夫子力欲洗天眼一疏幾萬言
蹇不少變義風盪層霄直氣動三殿彼寺與桑
門菟帽股應戰此事古所稀曠世乃一見惟應
潮陽韓千載可同傳

送白進士某字還家畢姻得里字

東南文獻家白氏族尤鉅喬木逾百年蟬聯躋
無仕維嶽降其神都憲更卓偉奉

敕居南臺激揚振風紀况君能亢宗重器若鼎
呂問學富三冬筆端流至理去年甫弱冠一舉
掇科第釋褐拜
彤廷清光近

象峰東麓

象峯鬱崔嵬中有林公瑩林公名進士養親歸
莆城無何竟仙去薤露聞歌聲莖之此山麓忽
忽歲月更孰知積善報有子登科名拜官柱下
史攬轡志澄清象

恩獲推贈泉壤流光榮躬親樹萬木不盡返哺
情悲風日夕來有淚如河傾

鳳山北隴

林母本吳氏託體歸山岡當年配君子婉婉如
鸞凰一朝鏡影孤榮然守空房哺養九苞雛志
節凜冰霜雛成乃高舉振羽鳴朝陽

皇恩褒厥自錦

敕回鸞翔胡期竟違養手線猶在裳依依北隴
樹舊植今已長攀號淚成血滴滴到陰堂

塗嶺南窩

塗嶺乃鳳麓趨伏仍逶迤顧瞻寶象阜秩然昭
穆如林君營壽域卜食乃於斯灌木以萬數連
亘二里餘君言人處世生寄死乃歸達人貴大
觀委順不復疑一旦溘先露奚用荷鋪隨吾今
為此域聊作後世規春秋霜露際祀事寧無思
我聞君此語既信還謂非君年方強仕綽有賢
聲馳立

朝振風紀桓范堪同驅虎尾尚曾履逆鱗手親
批白日照寸衷皦皦無一私平生忠孝節尚賴
神明知聖云仁者壽斯理豈我欺君於百年計
惡用太早為第賞樂丘趣勿効雍門悲神仙倘
可學為子樹丹梯

乙巳南都四月至八月不雨予室屢空

因作

歸耕乏寸土治生苦無因硯田亦已涸三歲空
食貧飢來展書坐一字不可吞室人交徧謫樵
悴難具陳愆陽方久旱在在田揚塵毋為重自
歎野有菜色民

壽萱堂圖為張上舍賦

北堂風日妍萱花歲長好燦燦黃金英宜男更
怡老彼美堂中人相看適懷抱朱顏猶未衰素
節自能保茲辰屆初度寶婺燭晴昊歌聲沸綺
羅百憂為一掃有子居南雍絨圖遙致禱春暉
未能報私心同寸艸

友蘭卷為儒士陳廷章題

六道口云喪雞壇鬻荆榛紛紛輕薄兒白頭尚
新有美陳君子被褐每懷珍感彼蓼莪詩隱
惟養親何意蕭艾間見此楚畹春于焉託深
天馨香襲衣巾情真猶管鮑氣合如雷陳絃琴

每相對悠然忘主賓無勞呂安駕不汗元規塵
持之謝時輩我豈蓬蒿人

次韻刑部丁郎中鳳儀見贈之作

謝病還故鄉閉門究前古心嶮盡茅塞開通乏
資芥寡過愧未能縮首避罪罟塵冠已抽簪寧
異服我得多君海內英大器自繩矩宏才兼博
學翹首出土伍變化猶神龍彪炳詫文虎操筆
若渠射一發輒飲羽蒐獵百氏源羣物類咸聚
合浦富珠璣崑岡積璆瑀江歷豈恒珍瓊琇詎
同域蹇予章句迂三命益俯疇得喪等諸岑高
尚敢希蠱賴君敦夙契為我啓朦瞶視我五字

詩神人結長努我軍遽敗北望敵敢排櫓
今代騷壇將惟君等孫武縣知西樞雄應舍東
道主肯令偏裨師奉漏沃焦誦君才寔干將見
者舌為吐青虹燦星文曾拭華州土豈彼陶冶
質終歲常苦窳

大明麗中天朝日無舛午行看薦王佐餘子安
足數一柱若高高下視盡培螻迂衡秉釣軸天
下無閉戶甲兵恒建橐焉用截淮浦病夫林下
居奚啻沐膏雨太平會有象延頸快先覩賦詩
匪獻諛至願寫衷腑

蘭室詩為徐用章上舍題

一室無長物蕭然蘭數椽聊憑化工手寫入畫
圖中有美徐造士氣味欣與同絃歌日相對光
風汎簾櫺所惜王者香合置蓬萊宮過時而不
采坐見塵土蒙白露下庭綠鶉鳩鳴秋風芳意
固無歇人心詎能終東園桃李花繁枝相亞紅
紛然競攀折感歎意何窮

樸菴卷為彭監丞題

大朴日云散偽俗紛以滋淪胥若鬼域訖然爭
詐欺彼美彭夫子厚德由天資讀書登乙榜早
歲為名師昨來升冑監朝暮甘鹽齏筆端流至
理玄酒味有餘臯比坐將老不矯亦不隨豈徒

近仁宅自與古道宜穹然棟梁具異彼青黃施
行看構明堂大材應爾需

輓黃松塢先生

先生事高尚築齋號松塢考槃居澗阿足不入
城府平生雖狷介與物亦無忤岸然欲化鄉千
頃類升度行旅過其門斗尺聽所與謂公長者
流而豈詒子賈有司鄉讀法賓席辭至屢或人
過償直追還竟弗取家儲無長物蕭然僅環堵
時當風日熙林泉曠襟宇手持一編書兀坐究
前古每覽奸佞徒唾去若糞土延師訓子姓科
第相接武有子官職方往已物先故而今復有

孫青雲起高步天曹柄銓衡聲價動

朝著會看沐推

恩褒贈及大父

思親堂卷為萬先生題

西蜀多名士今公固其儔讀書通大義制行殊
常流自惟少壯時雙親俱白頭承顏曾幾何忽
抱無涯憂竭來五十載音容邈難求念此羹墻
間恍若馨效留蓼莪詩久廢風木情偏愁有弟
位台鼎補衮才華優

皇恩褒厥自雙親被洪庥公也不自釋終身慕
無休哀哀逐旦暮悠悠累春秋蹇子亦何人孤

哀與君伴生年未及冠親已歸山丘痛惟三春
暉寸艸心難酬每興臯魚感欲報真無由為公
賦此詩涕下那能收

送林郡守衡玉

郡侯古太守位秩崇有餘入馬坐黃堂出馬擁
檐車喜賞怒有刑左右奔吏胥苟能樹嘉績燁
燁垂芳譽潁川與渤海良史不絕書况君名進
士三十專城居胷中富經史筆底鏘瓊琚何當
慕昔人德政敷里閭仁應鄧父比暴豈臧彪如
佇看推治行聲價高璠璣

三友圖為儀部趙郎中題

舉世交道衰人名託金蘭翻雲更覆雨紛紛良
足歎孰知植物中產此同心友瓊葩與鐵幹殊
非雜花柳朔風號長林紅紫盡凋歇居然抱清
貞傲彼霜與雪有美趙儀部高情脫凡塵愛此
三友圖何異雷與陳持之謝交游論心貴終始
相期堅晚節勿似輕薄子

雙瑞卷為相國徐公題并序

雙瑞表孝行也相國徐公時用居其
府君漁隱先生憂時結廬墓左朝夕
悲慟致有白鳩白鴈之祥傳聞遠邇
蘇人沈啓南繪而為圖其鄉之耆士

大夫咸為聲詩以彰其事久之成什
公同郡諭德陸君廉伯題其卷曰雙
瑞間徵予詩遂為賦此

我我瑞雲山下有徐氏阡松楸翳新塚石獸蹲
高原徐氏有孝子名位方蔚然結廬居墓左慟
親身欲捐方當送葬日負土窀穸前躬親日封
樹旦暮不自憐悲號淚流血有聲徹重泉行路
不忍聞山靈亦悽酸感彼白鳩鴈飛翔繞廬邊
鄉人走相報斯事豈偶傳天道諒非遠生祥表
其賢我歌雙瑞詩請續劉殷編

七月二日遊荷池席上得留字

孟秋天日晴山色忽滿眸明公退食暇携客蓮
塘遊曉日城南門雜沓登扁舟縈迴出小港漸
喜滄波幽芙蓉正滿沼紅翠連芳洲臨流展瑤
席絃管雜歌謳清風颯然至但覺身世浮何須
習家賞亦足充淹留

輓陳良宜母

陳母名家裔生平泚且慈壺儀光里族姆教著
庭闈采藻祠先日條桑治績時豈惟生業裕共
道室家宜詎料梨雲夢翻成薤露悲霜欺萱艸
萼風動白楊枝屏冷無遺珮機殘有斷絲賢郎
行顯達丘隴遲

恩輝

分得古栢秋榮壽舉人羅文玉祖

靈栢異羣卉托根南山隈高柯飽霜雪老幹滋
莓苔天生偃蹇姿不假人力培山深地幽闐萬
牛首空田西風撼林谷百草日以摧居然得其
養後凋而不衰孫枝本同氣亦具梁棟材何當
蔭芳澤尚遲

明堂開

衍慶堂為王可學題

本大末新茂源深流亦長所以積善門益見後
裔昌句曲有王氏行誼聞其鄉綿延踰四世歡
會聚一堂松栢挺高節芝蘭藹餘芳信知積善
報福慶未易量願言力忠信培浚無或忘天將
監厥德奕葉降其祥張氏珂鳴里崔門笏盈床
斯言如可卜簡用永流光

養和堂為華處士題

衆人汨聲利紛紛劇頽波靈臺日蕪穢顏甲強
委佗多君高尚者小隱錫小阿心君不外驚所
養惟天和道德日益腴壽筭日益多春風撲顏
面粹然清且醅底須事丹訣逝將遊無何

懷義書閣為監生邵彪題

六籍在天地燦然昭日星奈何厄秦火風雨成

晦冥聖賢去日遠坎海羣蛙鳴不有先覺者醉
夢何由醒饒陽古邵氏力學仍躬畊藏書構高
閣百氏充棟楹延師誨子姓藹藹絃誦聲慨懼
兵燹後教弛閣亦傾寧知七葉裔復以理學名
飛樓切霄漢經史紛縱橫臯比坐講道北面來
諸生春風翠庭艸吟詠怡性情乃知世德厚培
父發必榮鯉庭見奇器秀茁瑤華清才名被鄉
薦挾策朝

帝京昨朝到官舍索我書閣銘作詩期勿替書
香繼繩繩叶

秋江橫笛圖為舍人鄧鏞題次繼軒總

戎韻

西風脫林葉零露霑州莽江上暮寒多漁郎繫
孤舫悠然坐橫笛山水愜幽響驚起沙頭鴻穿
雲陣踈朗

慕畊卷為翟寺丞題

兒昔少年日父母鍾愛之稍長知挾冊日從鄉
校師奈何溺幼習時時事娛嬉父慈不忍撻驅
之向東菑朝耕復暮牧出入耒耜隨黃犢忽偶
觝我命幾殆而惕然乃奮志鼓篋遊泮池孜孜
不少輟燁燁聲名馳文場群校莚筆陣蟠蛟螭
數奇屢不偶卒業登虎闈銓曹選鳴臚戎才衆

稱竒再膺宗伯薦遂爾陟司儀

彤廷序百僚進退無不宜春風玉筍班曉日生
光輝竭來任益重

褒恩下龍墀父教不能忘每懷耕隴時祿養渺
難及潜然空淚垂高堂拍華扁庶慰羨墻思

